

ӨМІР ЖОЛЫ ӨНЕГЕ

Университеттің тарих, археология және этнология факультеті археология, этнология және музеология кафедрасының негізін қалаушылардың бірі, қара шаңырақтың түлегі, тарих ғылымдарының докторы, профессор Мадияр Елеуұлы Елеуовтың ұжымдағы алар орны ерекше. Ол студенттік шағынан-ақ археологиялық экспедиция жұмыстарына қатысып, оны жүргізудің әдістерін меңгеріп, тәжірибе жинақтап, студенттердің республика және одақ көлемінде өткен конференцияларында жүлделі орындар алуымен болашағынан үлкен үміт күттірген.

Оның жетекшілігімен 1982 – 1983 жылдары университеттің археологиялық экспедициясының барлау тобы Шу мен Талас өзендерінің жоғарғы ағысында Қырғыз КСР жерінде зерттеу жұмыстарын жүргізіп, осы тарихи-географиялық аймақта орналасқан ұзын қорғанды Бурана, Ақсу, Садырқорған қалаларында қазба жұмыстарын жүргізумен қатар басқа да бірқатар қалалардың тарихи топографиясын зерттеді. Оның басшылығымен Қаратау мен Сырдарияның орта ағысында жүргізілген археологиялық барлау жұмыстары нәтижесінде ғылымға белгісіз болып келген 2000-нан астам археологиялық ескерткіштер ашылып, зерттелді. Олардың қатарында әртүрлі тарихи кезеңдерден бүгінге дейін жеткен ескерткіштер, 150-дей ортағасырлық қалалар мен елді мекендер бар. Қазақстанның ортағасырлық қалаларының тарихы мен керуен жолдарына арналған 450-ден астам ғылыми мақалалардың, 4 монографияның және археологиялық зерттеулерге арналған бірнеше оқу құралдарының авторы болып табылады. Алдыңғы буын ағалардың білімінен, практикасынан үлгі алып, оның өмірге қажетті жақтарын үйреніп, оны байытып, жастарға білім мен тәрбие беруге және ғылымға баулып, археолог мамандарын даярлауға М. Елеуов ағамыз жарты ғасырға жуық өз үлесін қосып жүрген ұлағатты ұстаз. Жоғары білікті мамандарды дайындау ісіндегі еңбегі еленген бірнеше марапат иесі. М. Елеуов жоғары оқу орнында табысты еңбек еткені үшін 2006 жылы Қазақстан Республикасы Білім және ғылым министрлігінің Құрмет грамотасымен, 2009 жылы «Жоғары оқу орнының үздік оқытушысы» төсбелгісімен марапатталып, 2010 жылы 7 желтоқсанда Қазақстан Республикасы Президентінің Жарлығы бойынша «Қазақстанның еңбек сіңірген қайраткері» құрметті атағы берілді. Өзінің барлық ғұмырын ғылым мен білімге арнаған ғалым ағамыздың жүріп өткен жолы болашақ ұрпаққа үлгі.

**Г. ҚОЗҒАМБАЕВА,
М. ДАУЫТБЕКОВА,**

**әл-Фараби атындағы ҚазҰУ-дің археология, этнология
және музеология кафедрасының доценттері.**

Тәуелсіздік – біздің мандайға басқан бағымыз!
Нұрсұлтан НАЗАРБАЕВ.

Жетісу

ЫҚ ГАЗЕТ



WWW.Zhetysu-gazeti.kz



Jetisu2002@mail.ru

№ 48 (18180)

Сейсенбі, 26 сәуір 2016 жыл.



ЕКІЖАҚТЫ ДАМУ ДАҢҒЫЛЫ

камтамасыз етілген. Барлығы 4 шағын ауданда тұрады.

Қазақстандық делегаттарды «ТВЕА» компаниясының бас директоры Хуан Ханьце мырза алып жүрді. Ол облыс басшысына сынақ алаңында тұратын жаңа трансформаторларды көрсетіп, ұжымындағы жұмыс процесімен таныстырды. Компания жетісулықтарды «Қош келдіңіздер!» деген қазақша жазумен күтіп алды. Компания ұжымы жұмыс кестесімен танысып шыққан делегация мүшелерімен отырыс өткізді. Кездесуде «ТВЕА» зауыты туралы бейнефильм көрсетілді. Бүгінде аталған компанияда 21 мың адам еңбек етеді. Олардың 7 мыңы жоғары мамандандырылған білікті инженерлер. «ТВЕА»-да межелі жоспар – энергия қуатын 1000 кВт-қа жеткізу. Энергия құрылғыларын дайындауда әлемде бірінші орын алатын бренд 2003 жылдан бері Қазақстанға 300 миллион юань көлемінде дайын өнімдер сатқан.

«ТВЕА» компаниясының басты ерекшелігі – Күн сәулесін адамзаттың игілігіне пайдалану. Бұл тұрғыда істеліп жатқан шаруа ұшан-теңіз. Зауыттың бас директоры энергетика жабдықтарын жасайтын бөлімдермен таныстырып, көмір, жел және Күннен өндірілетін энергияның айырмашылықтарын атады. Оның айтуынша, мұндай артықшылықтардың бәрі Қазақстанда да жеткілікті. Тек өндірудің технологиясына жанаша бағытта дамыту